



UNIVERSITÄTS-
BIBLIOTHEK
PADERBORN

**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 21. De rebus adversis. Res adversæ signa sunt amoris Dei erga nos.

[urn:nbn:de:hbz:466:1-60495](#)

tiām ; vel saltem in periculo quantocyus Februarius.
in eum decidendi , quin advertam : noli
Domine hoc permettere ; sed illumina &
sustenta me , ut mihi à tanta infelicitate
caveam.

Statue peccatum veniale , quantum poteris,
ritare ; hoc enim medium præsentissimum est , se
à mortali defendendi.

Qui spernit modica , paulatim decideret.
Eccli. 19. v. 1.

A minimis incipiunt , qui in maxima
proruunt. Bern.

DIES XXI.

Derebus adversis.

Res adversæ signa sunt Amoris Dei erganos.

I.

EA, quæ nos miseras , & infortunia dicimus , non raro beneficia DEI sunt. Quæ veluti pœnas , & iræ Divinæ effectus horremus , saepe DEI sunt erga nos manifestissima teneri amoris testimonia. Et verò res adversæ docent nos in nos ipsos descendere , ubi deprehendimus , nos fortinsecus optatis non potiri. Eæ nos humiles reddunt , & à nobis in etiis abalienant.

nanc

Februarius. nant? quî enim nobis blandiamur, dum nos ubique abjectos, & contemptos vides-
mus? hæ nos abalienant à mundo, quis enim se addicat proditori tam perfido, qui post tot splendida promissa nos deserit? ex nos abalienant à peccato, quia fides, quæ tunc quodammodo reviviscit, clare nobis demonstrat, ærumnas nostras peccatorum nostrorum partus & supplicia esse. An non hoc Argumentum est, nos à Deo amari, dum istantis nos bonis ditat? an non signum est, nos à Deo amari, dum nobis ansam præbet, nostrum sibi amorem testandi, suumque vicissim in nos promerendi? Omnia alia amoris in Deum specimina dubia & suspecta sunt; hoc solum decipere nos non potest, Deum non nisi in prosperis amare, eique servire, est eum amare & servire more Judæorum: Eum amare, eique servire in adversis, est eum amare, & servire more Christianorum. Esne Judæus? esne Christianus?

II. Nónne signum est, nos à Deo amari, dum iste nobis media suppeditat justitiae divinæ, ea, quæ debemus persolven-
di? quantum enim, peccatores cum si-
mus, ei non debemus? iram ejus miti-
gandi, ejus misericordiam impetrandi?
Satisfacere justitiae divinæ non possemus;
nisi

nisi ipse eidem satisfaciendi media , nobis Februarius.
ministraret. Atque hoc agit , dum adver-
sa nobis immittit : nam quæ debita expun-
gere non possunt res adversæ ærumnis
Christi unitæ ? an non Argumentum est
divini in nos amoris , dum nobis media
præbet , virtutes adipiscendi , & occasio-
nes easdem exercendi ? nam fierine potest ,
ut quis virtutes acquirat , quin eas
exerceat ? an verò melius exercere patien-
tiā , mansuetudinem , mortificationem ,
humilitatem Christianam , charitatem ,
accommodationem voluntatis nostræ ad
divinam possumus , quām in adversis ? ad-
versæ res media simul adipiscendi virtutes
efficacissima sunt , signaque certissima ,
eas veras esse , & Argumenta fortissima ,
eas esse solidas. Itaque adversis immu-
nem se reddere velle , an non tantundem
est , ac virtutibus renuntiare ? quid igitur
sentiendum de inaudito horrore , qua
calamitates ayersaris ?

III. Annon signum est , nos à Deo a-
mari , cùm is nos capaces reddit similitu-
dinis cum Christo Crucis affixo acquirendæ ,
ut eādem olim cum Christo glorioſo po-
tiamur ? an non signum amoris est , dum
media , prædestinationem nostram certam
reddendi , ejusdēmque indubitate pignora ,

L

&

Februarius. & manifesta indicia nobis præbet? an non signum amoris est, dum occasiones nobis subministrat, grandia congerendi merita, coronam nostram augendi, Cælum obtinendi, novos gloriæ gradus, hoc est, tot æternitates felicitatis infinitæ promerendi, quot virtæ nostra numeramus momenta Deo per calamitatem consecrata? potestne igitur Deus sinceritatem, & magnitudinem Amoris sui clarius nobis testificari? possimusne etiam nos ingratum nostrum animum manifestius prodere quam si ex hisce maximis ipsius beneficijs, fastidij cipiendi, & in querimonias erumpendi an sam sumamus? an non probè meremur, ut pænas à nobis expediturus, illis nos priuet, atque ad nos puniendos nobis patcat?

Precare DEUM, ut, cum immittendo tibi adversa amorem suum testetur, hujus amoris adat complementum, demonstrando tibi felicitatem, quæ in adversis invenitur, ut ea amare queas,

Quia acceptus eras Deo, necesse fuit, ut tentatio probaret te. Tob. 12. v. 13.

Et pæna, & gratia est: quid servat post pænam, qui per gratiam exhibet pænam?
Ang.

DIES